

UPUTSTVO ZA UPOTREBU



BETA-G *imuno*® kapsule

Prirodnji imunostimulator

Dodatak prehrani

Sastav

1 kapsula sadrži:

Aktivne supstance: 200 mg beta glukana, 80 mg askorbinske kiseline (vitamin C), 7,5 mg cinka (u obliku glukonata), 30 mg koenzima Q10.

Pomoćne supstance: laktosa monohidrat, koloidni silicij dioksid.

Pakovanje

30 kapsula u blister pakovanju, u kutiji.

Mehanizam djelovanja

Beta glukan je jedinstven glukopolisaharid, derivat pekarskog kvasca (*Saccharomyces cerevisiae*), koji, što je dokazano velikim brojem istraživanja, pokreće snažnu imunološku reakciju u tijelu aktivirajući imunološki sistem protiv virusnih, bakterijskih, gljivičnih, parazitarnih i drugih uzročnika bolesti. Beta glukan je snažan antioksidans (neutralizira aktivnost slobodnih radikalova, koji oštećuju ćelije organizma oksidirajući njihove strukture, te vremenom dovode do ubrzanih starenja i nastanka brojnih teških oboljenja – karcinomi, reumatoidni artritis, i sl.).

Beta glukan:

1. potiče stvaranje koštane srži, a time i proizvodnju krvnih pločica, crvenih i bijelih krvnih ćelija koje su prva linija odbrane organizma

2. potiče aktivaciju makrofaga (uništivači stranih ćelija), koji aktivirani mogu pronaći, prepoznati i uništiti sve vrste uzročnika bolesti. Oni takođe utiču na aktivnost drugih ćelija imunološkog sistema.

BETA-G *imuno*® kapsule, pored beta glukana, koji je glavni aktivator imunološkoga sistema, takođe sadrže i:

- vitamin C, najjači antioksidans među vitaminima, stimuliše imuni sistem tako što smanjuje uticaj slobodnih radikalova te učestvuje u raznim biološkim procesima;
- cink, koji je uključen u gotovo sve segmente imuniteta. Važan je za normalno funkcionisanje i otpornost organizma, jer utiče na povećanje broja odbrambenih ćelija – limfocita;
- koenzim Q10 - supstanca sa višestruko povoljnijim djelovanjem na imunitet i funkcionisanje organizma. Obezbeđuje dovoljnu količinu energije potrebnu imunološkom sistemu u borbi protiv patogenih uzročnika, posjeduje antioksidativna svojstva, čuva funkciju srca i obezbeđuje vitalnost.

BETA-G *imuno*® je, dakle, idealan spoj prirodnih susptanci za jačanje imuniteta, čija se slabost može

manifestovati kroz iscrpljenost, zamaranje, česte infekcije, alergije, gubitak težine, sporo zacijeljivanje rana, a podloga je za nastanak svih oboljenja.

BETA-G *imuno*® kapsule se preporučuju kod:

- oslabljenog imunološkog sistema,
- učestalog obolijevanja od virusnih i bakterijskih infekcija,
- izloženosti većoj produkciji slobodnih radikalova (pušenje, izloženost toksičnim supstancama, zagađenom zraku,...),
- radioterapije i hemoterapije (ublažava njihove nuspojave),
- hroničnog umora,
- osoba starije životne dobi,
- osoba sa pozitivnom porodičnom historijom na karcinome.

Doziranje i način primjene

Odrasli i djeca iznad 12 godina:

Preporučeno doziranje: 1-2 kapsule na dan.

Kapsulu popijte sa vodom, najbolje pola sata prije jela.

Ograničenje za upotrebu

BETA-G *imuno*® kapsule ne smiju koristiti osobe koje su alergične ili preosjetljive na neku od supstanci iz sastava lijeka i oboljeli od upalne bolesti crijeva. Takođe, **BETA-G *imuno*® kapsule** ne smiju uzimati pacijenti sa presađenim organima i pacijenti koji su na terapiji imunosupresivima.

Trudnice i dojilje mogu uzimati preparate s beta glukanom samo po preporuci ljekara.

Mjere opreza

Proizvodi koji sadrže beta glukan smatraju se sigurnima. Nuspojave u toku primjene nisu zabilježene.

Način izdavanja:

Proizvod se izdaje bez ljekarskog recepta.

Čuvati u originalnom pakovanju na temperaturi ispod 25° C, van dohvata djece.

Serijski broj i rok upotrebe:

Označeni na pakovanju. Proizvod se ne smije koristiti nakon isteka roka upotrebe.

Broj i datum rješenja: 05-37-5597/17 –DP od 04.04.2018. godine

Proizvođač:

ZADA Pharmaceuticals d.o.o.

Donji Bistarac bb

75300 Lukavac

Tel: 035 551 140

Fax: 035 551 150

www.zada.ba